

農

候

雜

占

漢藝文志有泰壹襍子候歲二十二卷子贛

十六卷隋經籍志有東方朔歲占一卷此皆唐以前古籍  
今雖亡佚然可見雨暘寒燠關乎農事推測上虞縣志有瓜  
書自昔然矣長樂梁蒞林先生八閩碩彥敷歷封疆政績  
彪炳弱冠卽嗜筆墨五十餘年手不釋卷蓋仕學兼優者  
矣撰述之富我

朝居一其已刻各種風行海內已不下六十餘種而嗣君  
敬叔觀察以名孝廉筮仕之江三十年來一官需次藉得  
清閒從事鉛槧近復蒐輯其未刻之書手自編纂次第刊

布農候禱占其一也是書自正月至十二月自天文地理人事時令至草木蟲魚凡有涉占驗者旁徵博引備列無遺分別部居有條不紊視隋志所收田家歷十二卷或加詳矣昔齊有一足之鳥孔子以童謠占之曰天將大雨商辛起舞於是諸國水溢齊獨有備無患劉子政載其事於說苑而曰聖人非獨守道而已睹物紀卽得其應矣夫欲睹物而得其應非求之占驗不可然則先生此書其有裨於旱澇之備而足以爲

聖天子敬授民時之助者豈小也哉樾幸與觀察爲同年

生託於年家子之末得與校讎之役既畢書數語於其簡  
端異日買田數畝歸老於烏巾山之陽攜此書與村夫子  
共讀之課晴雨話桑麻不至爲老農老圃所笑則先生之  
惠我多矣

同治十有二年正月穀日年家子俞樾謹序

農候雜占目錄

卷一

正月

二月

三月

四月

五月

六月

七月

八月

九月

十月

十一月

十二月

卷二

閏

夜

氣

寒熱

水

火

山

海

湖

石

井

冰

天

地

人

卷三

晴雨

陰

日

月

星

斗

河漢

風

雲

霧

霞

虹霓

雷

電

霜

露

雪

霰

電

卷四

穀蔬

草

花木

禽

獸

魚

龍

介

蟲

田家宜忌

蠶桑宜忌



農候雜占卷一

福州梁章鉅撰

男恭辰校刊

正月占

元旦值甲穀賤人疫值乙穀貴民病值丙四月旱值丁絲  
綿貴值戊米麥魚鹽貴值己米貴蠶傷多風雨值庚田  
熟民病金鐵貴值辛禾平麥麻貴值壬絹布豆貴米麥  
平值癸主禾傷人民厄 見月令廣義

難拜年易種田 田家五行云元旦雨雪吉引諺云云

歲朝東北五禾大熟 羣芳譜東北風主大熟引諺云云

元旦清晨風自東南來歲大稔東風次之東北又次之西則歉西北有紅黃雲則稔白黑則歉 見蘇州府志

歲旦西北風大水妨農功 田家五行云壬癸亥子之方謂之水門其方風來主大水引諺云云

正旦決八風風從南來大旱西南小旱西方有兵西北豆成北方中歲東北上歲東方大水東南疾疫 見漢天

文志

元日甲寅穀畜貴丙寅油鹽貴戊寅壬寅穀先貴後賤庚寅穀畜貴如上旬內先得丙寅雨少夏至雨多戊寅秋

雨多壬寅冬雨多 同上按開元占經云正月一日得寅穀貴盡十二日以占十二月

元日甲申五穀有收丙申穀損蟲食菜戊申六畜災壬申  
澇 同上

元日乙卯荆楚米貴丁卯周秦米貴辛卯韓魏米貴癸卯  
宋魯米貴 同上

一日雞晴主人安國泰二日犬晴主大熟三日猪晴主君  
安四日羊晴主春暖臣順五日馬晴明四望無怨氣六  
日牛晴明日月光明大熟七日人晴明民安君臣和八

日穀夜晴五穀熟所值之日晴暖則安泰蕃息 此通

行占書按開元占經引京房占亦略同又九日主蠶

江南民言正旦晴萬物皆不成元豐四年正旦九江郡天  
無片雲風日明快是年果旱 見玉芝堂談薈引談苑  
按通行諺有云元旦黑農事吉談苑引便民書亦云元  
日晴和無日色主有年其說屢驗今人但知元旦要晴  
明實未確也

一日值雨人食百草 見農占

一日晴一年豐一日雨一年歉 同上今人謂元日宜晴

亦有所本

元旦有雷主禾麥皆吉 見田家五行

上旬得辛一日旱二日小收三四日主水麥半收五六日  
主小旱七分收七日八日主歲稔一云八日得辛主春  
旱不收又占書云一日得辛麥收十分二日禾蠶收三  
日四日田蠶全收五日六日麻粟麥蠶平收七日八日  
宜早禾麻麥粟少收絲貴 見月令廣義兩說微有不  
同

上旬三日得甲爲上歲四日爲中歲五日爲下歲又資生

書云月內有甲寅主米賤 同上

上旬一日得卯主十分收二日低田半收三日四日大水  
五日六日半收七日八日主春澇秋收 同上

上旬一日得辰雨多二日風多先旱低田全收七月雨多  
麻豆全收三日雨晴勻四日七分收五日六日豐稔七  
日水損田蕎麥收八日先旱後澇九日大麥收主仲夏  
水災十日旱禾半收十一日主冬大雪五穀不收十二  
日主大雪五穀收 同上

上旬一日二日得酉歲豐三日四日民安五日至十日中

歲民不安十一十二日大熟一日乙酉荆楚吉丁酉周  
秦吉辛酉韓魏吉癸酉齊魯吉己酉燕趙吉 同上

甲子豐年丙子旱戊子蝗蟲庚子亂惟有壬子水滔滔只  
在正月上旬看 見周益公日記 按田家五行云十  
日無子人死一半

田本命 研北雜志云世謂正月三日爲田本命又爲田  
生日浙西人謂之夏正三言夏正之三日也俗以是日  
稱水以重爲上有年極驗 見無顏錄

年八風括到三月終 此揚州諺謂正月初八也

十二日爲花朝晴則百果實夜尤宜晴雨則四十日夜雨  
久陰 見田家五行 按今人但知二月十二日爲花  
朝而不知正月十二日亦爲花朝也

上元日晴春雨少諺云上元無雨多春旱清明無雨少黃  
梅 見臺笠須知

立春日貯水謂之神水釀酒不壞 見四時纂要

立春日雨傷五禾 見師曠占

上旬甲乙日雨主春雨多丙丁戊己日雨主夏雨多庚辛  
日雨主秋雨多壬癸日雨主冬雨多 見月令廣義



正月內有三子則葉少蠶多無三子則葉多蠶少有三卯則旱豆有收無則少收有三亥主大水 見談薈引周

益公日記

百年難遇歲朝春 見歲時通考凡元日立春主民大安引諺云云 按黎牀瀋餘崇禎元年元旦立春適值改元天道更始人事聿新聖作物覩其以不言示歟又按三岡識略則言節氣相值之難非以爲瑞也

正月有甲子糴初貴後賤 見開元占經引神農占

熟不熟但看年頭三箇六 此通行諺謂正月初六十六

二十六三日清明則主豐熟也

正月逢三亥湖田變成海 浩然齋視聽鈔引吳諺云謂水之大也 按道光壬辰正月初六日己亥十八辛亥三十癸亥是歲大澇癸巳正月亦有三亥然一亥在立春前是歲無水災

正月日食人疫夏旱月食粟貴盜多 見月令廣義  
上元一夕晴麻小熟兩夕晴麻中熟三日晴麻大熟 見談苑禪師惠南云絕有驗

上元霧主水 見臺笠須知

上元雨灌百物減半 見樂清縣志

風吹上元燈雨打寒夕墳 見紀歷撮要

正月十六日東南風爲入門風主大熟 見田家五行

正月十六日古謂之磨耗日唐張說耗日飲詩云磨耗傳

茲日縱橫道未宜但今不忌醉翻是樂無爲 見田家

五行謂此日以不事事爲宜如今社日謂之耗日官司

不開倉庫也

正月十六謂之落燈夜晴主高低皆熟西北風主旱 見

陶朱公書

秋收日 月令廣義云正月二十爲秋收日晴主秋成百  
果蕃茂 按吳俗以正月二十日爲天穿日晴則雨少  
如遇雨則雨水必多又按田家五行以十七爲秋收日  
亦晴主秋成也

正月見三白田公笑嚇嚇 見朝野僉載  
晦日風雨糴貴禾惡 見田家五行

二月占

二月朔值驚蟄主蝗蟲值春分主歲歉風雨主米貴 見陶朱公書

二月內有三卯則宜豆無則早種禾 見經世民事錄  
二月甲戌日風從南來者稻熟乙卯日不雨者稻不熟

見師曠占

春分無雨病人稀 陶朱公書云春分雨人災引諺云云  
禮記月令擇元日命民社注春事興故祀社稷以祈農祥  
元日謂近春分前後戊日元吉也 按潛確類書立春

後第五戌日爲春社立秋後第五戌日爲秋社又按周禮社之日澠卜來歲之稼

春社無雨莫種田 歲時通考云春社日雨年豐果少

按談苑云社公社母不食舊水故社日必有雨謂之社公雨 田家五行亦引諺云社公不喫乾糧社日雨則穀重而果稀故曰社雨報年豐陸龜蒙詩幾點社公雨 一番花信風

初二天晴東作興初七八日看年成花朝此夜晴明好何慮連綿夜雨傾 見陶朱公書

二月八日東南風主水西北風主旱 見月令廣義 按

陶朱公書東南風謂之上山旗西北風謂之下山旗

二月八日張大帝生日前後必有風雨甚準俗謂請客風  
送客雨正日謂之洗街雨初十日謂之洗廚雨 見田

家五行

二月十九日爲觀音大士生日晴明爲吉雨則穀菜百物  
少收 同上

二月十五日爲勸農日晴明主豐風雨主歉 見談苑

有利無利但看二月十二 此吳諺見明詩綜謂花朝日

晴則百果少實也

驚蟄聞雷米似泥 同上引雜占

春分日風自東來麥賤年豐南來五月先水後旱西來麥貴北來價倍 見月令廣義

社了分米穀如錦墩分了社米穀如苔鮮社了分米穀不出村分了社米穀徧天下 同上又田家五行云社在春分前主歲豐社在春分後主歲惡引諺云云

花朝 同上云云二月十五爲花朝晴則百果實夜不宜晴宜陰雨



二月朔日雨稻惡糴貴晦日雨人多疾 見四時占候

茶是草箬是寶 農桑衣食撮要卷上二月摘茶略蒸色

小變攤開搨氣通用手揉以竹箬燒烟火氣焙乾以箬  
葉收故諺云云

二月初二爲上工日雨主妨農 見陶朱公書

三月占

三月朔值清明主草木茂值穀雨主年豐風雨主民病木  
多蟲雷主五穀熟雨猛主旱 見月令廣義

三月朔日雷主旱無雷多盜 見田家五行

三月初三雨落至繭頭白 此杭州通諺又云三月初六  
爲露白日是日雨則道路一白卽雨 一說三月三日

清明之節將修事於水側禱祀以祈豐年 見卷施閣

文集

上巳有風梨有蠹 本草綱目云梨花如雪六出上巳無

風則結實必佳故古語云云

四口雷歲熟五日陰蠶吉七日十六日南風主旱歉 同

上

五日寒食便下田 吳下田家志方言

雨打墓頭錢今歲好豐年 一作雨打紙錢頭麻麥不見

收雨打墓頭錢今年好種田 月令廣義云寒食日雨

主歲豐引諺云云

清明插柳青農夫休望晴門前插柳焦農夫好作嬌 農

政全書引諺云云

清明嫁九娘一去不還鄉 見田汝成游覽志餘

一點雨一箇魚 農政全書云穀雨日雨主多魚引諺云  
云清明要晴穀雨要雨

河朔人謂清明雨爲潑火雨 見退齋雅聞

穀雨日辰值甲辰蠶麥相登大喜忻穀雨日辰值甲午每  
箔絲棉得三觔 田家五行引諺云云

三月無三卯田家米不飽 同上亦見周益公日記 按  
開元占經亦云三月有三卯大豆好無三卯旱

三月十一日爲麥生日喜晴 見嘉定縣志

三月十六日爲黃姑浸種日其日西南風主大旱或云上  
鄉人見此風卽懸百文錢於簷下風力能動則舉家失  
聲相弔言風愈急愈旱也 見月令廣義

廿七廿八吹得廟門開螭螺螿蛄哭哀哀 見崑新合志  
言三月廿七廿八兩日南風主旱引諺云云

三月溝底白莎草變成麥 嘉定縣志云此月無雨麥乃  
有秋

三月雪經日不消秋禾不成米貴三倍人相食 見田家  
五行

清明前一日爲寒食必有疾風甚雨是日雨必多梅雨諺  
云清明無雨旱黃梅 見陶朱公書

十六日風主桑葉貴諺云三月十六皎皎晴桑樹頭上見  
人情 同上

穀雨前一兩朝霜主大旱是日雨主雨多 同上

四月占

四月謂之雩月 左傳龍見而雩續漢書注稱服虔云雩遠也遠爲百穀求膏雨也

四月初一見青天高山平地任開田四月初頭滿地塗丟了高田去種湖 按四時占候云四月初大風雨主大水小風雨主小水引諺云云此日最要緊

四月朔值立夏主地動值小滿主歲凶 雨主水晴主旱 見文林廣記

四月朔風從南來西來者秋糴賤逆此者貴 見師曠占

四月初一雨濛濛六陽湖裏好栽葱 此揚州諺謂旱也

立夏日南方有雲主歲豐 見田家五行

立夏得食李能令顏色美 立夏日俗尙啖李故是日婦

人作李會取李汁和酒飲之謂之駐色酒一曰是日啖

李不病夏 見元池說林

立夏不下田家莫耙 月令廣義謂立夏宜雨引諺云云

按若夜雨多損麥及蠶

立夏晴蓂笠滿田臨立夏雨蓂笠挂屋柱 同上

小滿不滿芒種莫管 同上謂小滿宜有雨則歲熟也



有利無利只看四月十二 紀歷撮要云此日宜晴忌西  
南風 按此與田家五行所引先後差兩日其爲宜晴  
則一也

四月一日雨百泉枯言旱也二日雨傍山居言避水也三  
日雨騎木驢言踏車取水亦旱也四日雨餘有餘言大  
熟也 見談苑

一番暈添一番湖塘 農政全書云立夏日日暈主水引  
諺云云

四月初八晴料峭高田好張鈞四月初八烏漉禿不論上

下一齊熟 廣信府志引周益公日記云云又引通考云四月初八日最宜密雲不雨 按沅湘農諺又云四月八日晴打鼓蒔茅坪四月八日雨打鼓求木主 四月八日晴魚兒上高坪 此湘邵間農謠按四時占候亦云四月八日雨魚兒岸下死四月八日晴魚兒上蒿 林廣信府志蒿林亦作高坪

四月八日佛生日晴明果子好收成 見田家五行

虹見主米貴月蝕主歲饑晦朔大雨主蝗災 同上

四月十二日忌西風生喜東南風 同上

四月十四得東南風吉十六黃昏時日月對照主夏秋之交旱月上遲有白色主大水 見月令廣義

有利無利但看四月十四 田家五行云十四日晴主歲稔引諺云云又曰呂洞賓生日晴主歲稔

有穀無穀但看四月十六 同上引諺云云言是日可卜

月影也

見下羣芳譜

四月十六日卜月諺云月上早低田收好稻月上遲高田賸者稀 見月令廣義 又按羣芳譜云是月十六日立一竿量月影月當中時影過竿雨水多沒田夏旱人

農作錄 下  
三  
饑長九尺主三時雨水八尺七尺主雨水六尺低田大  
熟高田半收五尺主夏旱四尺蝗三尺人饑

四月十六雨飄飄高鄉播種襍嘵嘵四月十六多雨點鄉  
人只把腳來趕俱主水 見田家五行

熟不熟但看四月二十六 此通行諺吾郡又相傳四月  
二十六天上一剝啄地下去一斛蓋是日最忌雷聲  
致富書云月內虹見主米貴

五月占

五月朔日當熱而風雨者米貴人食草木 此開元占經

引京房占

初一雨落井泉浮初二雨落井泉枯初三雨落連太湖

周益公日記引諺云云

朔日夏至晦日夏至並主五穀熟二日三日六日二十五日三十日同二十二日二十四日夏至主歲不熟 見月令占候圖 又田家五行引諺云夏至端午前坐了種田年 按玉芝堂談薈坐了作抄手

朔日風雨大饑風從北來人相殘米貴十日得辰早禾半收十一日得辰五穀不收 見月令廣義

端午晴乾農夫喜歡 同上引諺云云

夏至雨名黃梅雨沾衣服皆敗黧 見周處風土記

五月十三連夜雨來年早種白頭田 見田家五行

五月十三雨滿饒州好販大碗 見樂清縣志

夏至連端午家家賣兒女 同上引諺云或作夏至伴端

陽家家饑斷腸連或作逢兒或作男 又歲時記云夏

至在初二三主米麥貴初七八米麥平二十大饑上旬

米賤中旬大豐末旬大歉 按此與月令占候圖微有不同又按塵史大觀戊子五月五日夏至安陸老農相謂云云秋稼不登冬艱食賣子以自給至有委於路隅者明年大旱人相食棄子不可勝數

十五日謂之五日前十日謂之端午 按古人五日皆當是十五日今楚俗亦以十五日爲大端陽初五日爲小端陽

芒種端午前處處有荒田 同上引諺云云 又云雨芒種頭河魚淚流雨芒種腳魚捉不著

農事彙編 卷之二  
芒種雨百姓苦 見談苑

芒種火燒天夏至雨連綿 見古占年語

芒種後逢壬立梅夏至後逢壬斷梅 通書芒種後逢壬  
日或庚或丙日進梅前半月爲立梅立梅宜雨遲有雨  
主旱諺云雨打梅頭無水飲牛雨打梅額河底開坼

田家五行云一說主水諺云迎梅一寸送梅一尺大抵  
梅雨主旱雖有雨亦不多 又雨打梅頭云云更見四  
民月令 按何景福詩雷聲填填雲羃羃雨打梅頭麥  
穗黑老翁倚耒向天泣汗邪水深耕不得與諺語相反



今農家所占仍以古諺爲驗 又按湧幢小品引俗語云  
叻種逢壬便立霉梅作霉霉後積水烹茶甚香別可  
久藏一交夏至便迥別矣試之良驗細思其理有不可  
曉者或者夏至一陰初生前數日陰正潛伏水陰物也  
當其伏時極淨一切飛潛草木之氣不能雜故獨存本  
色爲佳但取法甚難須以磁盆布空盛之霑一物卽變  
貯之亦難其地宜高潔某年無雨挑河水貯之亦與常  
水異而香冽不及遠矣

叻種逢丙進徽小暑得未出徽 見神樞經

梅裏西南時裏潭潭 風土記苾種後夏至前雨爲黃梅  
雨最長久有一日西南風主時裏三日雨又云西南風  
急名哭雨風主雨立至易過

黃梅天日多幾番顛 見田家五行志言此時陰晴易變  
又云黃梅天氣尅向老婆頭邊也要帶了蓑衣箬帽去  
倒轉黃梅四十天 此通行諺

黃梅雨未過冬青花未破冬青花若開黃梅便不來 黃  
氏曰鈔梅雨中冬青花開主旱蓋此花不落溼地引諺  
云云

芑種爲節者言時可以種有芑之穀故以芑種爲名 見

三禮義宗

芑種一聲雷時中三日雨 見農政全書

打鼓送黃梅一去不復回 此吳中諺言送霉日有雷則

後少雨 田家五行又引諺云迎梅雨送時雷送了並

不回又云三梅三送低田白弄

夏至在月頭農家不須愁夏至在月中就攔糴米翁 月

令廣義云夏至在月初端午前則雨水調引諺云云又

按古占年語云夏至月頭一邊喫一邊愁夏至月中白

飯滿童童夏至月尾禾黃米價起則微有異

急風急沒慢風慢沒 月令廣義云夏至日西南風主六月橫水人殃引諺云云

夏至無雨碓裏無米 月令廣義云夏至日雨謂之霖時雨主雨調歲稔引諺云云 田家五行引諺云夏至日箇雨一點值千金

月內有三卯宜稻及大豆 見月令廣義 按京房占亦云五月無三卯旱

甲申猶自可乙酉怕殺我 蘇州府志五月尤忌甲申乙

酉日雨則有大水引諺云云 按吳中舊事云是二日  
雨則大小麥不收又按一語宋時卽有之見范石湖詩  
注

五月壬子破大水穿山過 此湘邵間農謠按今東南河  
防亦忌此日

迎時雨送時雨 嘉定縣志云夏至後分爲三節其十五  
日若初雨爲迎時末雨爲送時諺云高出只怕迎時雨  
低田只怕送三時蓋初時雨主旱末時雨主潦也若中  
時而雷謂之腰報亦主多雨諺云中時腰報沒低田

按臺笠須知云末時得雷主久晴

五月小種瓜喫不了 見田家五行

五月小水浸楊柳杪 同上

黃梅三時纔出門蓑衣蓆笠必隨身 陸泳吳下田家志

引方言如此

時裏一日風準黃梅三日雨 羣芳譜夏至後半月名三

時首三日爲頭時次五日中時後七日末時風在中時

前二日大凶諺云云 又按四時占候云五月雨忌中

時若到末時微雨亦善故諺又云夏至未過水袋未破

夏至先後各五日可種牡麻注牡麻有花無實 見齊民

要術

種大豆夏至後二十日尙可種戴甲而生不用深耕 同

上

陶朱公書云端午日晴主水雨主絲貴諺云端陽曬得乾  
蓬頭十片高田九片浮

夏至在月初主水是日雨主風水大諺云夏至無雲三伏  
熱其日若雨年必豐 見同上

六月占

六月初一一劑雨夜夜風潮到立秋 農政全書引諺

六月初三雨七月多晴時 此福州諺俗以夏令午後雷

雨一陣謂之晴時雨每發必連三日又月令廣義云六

月三日雨一陣上晝耕田下晝困俗謂眠爲困也 又

紀歷撮要云六月初三晴山篠盡枯零 按玉芝堂談

薈作六月三日一陣雨夜夜風潮到處暑 又諺云六

月初三一箇陣早起耕田下晚困六月初六一箇陣七

十二箇趕狗陣又諺云六月初三打一暴高山頂上都



收稻義同

朔日值夏至主大荒值小暑主大水值大暑主大疫 見  
月令廣義

小暑一聲雷稻熟做黃梅 此杭州通行諺稻熟或作倒  
轉頗驗 按談苑稱小暑雨名黃梅顛倒轉主水

六月雷不鳴蝗蟲生 見四時占候

伏裏西北風臘裏船不通 同上引諺主秋稻秕冬冰堅  
也又云夏末一陣雨賽過萬斛珠言及時雨絕勝無價  
寶也 按與羣芳譜天譜畧同又按夏至後三庚爲初

伏四庚爲中伏立秋後初庚爲後伏謂之三伏曹植謂之三旬見初學記陰陽書又魏氏春秋何晏以伏日食湯餅取巾拭汗面色皎然

秋前生蟲損一莖發一莖秋後生蟲損一莖沒一莖月令廣義云月內西南風主蟲傷稻秋前損根可再抽萌秋後損者不復抽矣引諺云云

六月內逢甲乙丙丁無雨主旱月食亦主旱丙寅丁卯有雨主米貴虹見及晦日風亦主米貴見月令廣義

六月防初七月防半此福州諺也福州六七月間必有

暴風俗呼爲風颳拔木偃禾百果皆空六月多發在初旬七月多發在中旬發必連三日初起北風轉南風愈大而止

六月秋要到秋七月秋不到秋謂早稻收穫時也又南風吹過北有錢糴不得北風吹過南倉下無人擔 見古占年語

六月必有三時雨田家以爲甘澤農人相賀曰喜雨 見荆楚歲時記

六月有大雨名濯枝雨 見周處風土記

陶朱公書云六月六日晴主收乾稻雨主有秋水又日蝕  
主旱

七月占

七月朔日虹見主年內米貴 見田家五行

秋霹靂損晚穀 或作秋歷鹿損萬斛 月令廣義云立

秋日有雷損晚稻農政全書云大抵秋雷多總損禾非  
但忌立秋日也

立秋日天氣晴明萬物多不成 見紀歷撮要

三日三石四日四石 紀歷撮要云立秋日有西南風主

田禾倍收引諺云云

立秋日虹見西方萬物皆貴 見田家五行

立秋後虹見爲天收雖大稔亦減分數 見蘇州府志

月內有三卯田禾熟無三卯宜晚麥日月蝕主人灾甲子

雷多暴疾 見農政全書

或問董勛云七月七日爲良日飲食不同者何勛曰七月

黍熟七日爲陽數所以糜爲珍 見北堂書鈔

七月七無洗車八月八無蓼花 同上云七日有雨名洗

車雨主八月有蓼花引諺云云 按荆楚時記云七月

六日爲洗車雨七日爲灑淚雨稍異

周書時訓解處暑後又五日天地始肅又五日禾乃登按

月令呂氏春秋並作農乃登穀 又國語云處暑之既  
至蟲蟻之既多

處暑雨不通白露枉相逢 同上又見月令廣義枉相逢  
作空用功又引諺云處暑根頭白白露枉來霖 田家  
五行云處暑喜雨引諺同枉相逢作枉用功

處暑若還天不雨總然結實也無收 此吳諺見崑新合  
志及嘉定縣志

七月十五日爲蕎杆生日雨主水 見談苑 田家五行  
云十五蕎杆生日雨謂之做蕎生日主撩水稻有雷謂

之打折杆頭擦不成

良田畏七月 見塵史蓋百穀秀實之時正需雨也

立秋坤卦用事晡時西南涼風至黃雲如羣羊宜粟穀

見月令占候圖

十六日雨謂之洗鉢孟主年荒蓋十方大刹每年四月十六結夏上堂七月十六解夏散堂若雨來年荒歉必停堂也 見陶朱公書



八月占

八月朔日值白露果穀不實值秋分主物價貴 見歲時

通考

早禾怕北風晚禾怕南風 見農政全書

朔日晴主冬旱 同上又云凡朔日宜晴惟此月朔日宜  
雨好種麥 田家五行又云八月初一下一陣旱到來  
年五月盡則又一說也

八月一日雨則角田下熟 見談叢角田豆也

白露雨來一路苦一路 農政全書云白露雨爲苦雨稻

禾沾之則白颯蔬菜沾之則味苦引諺云云又云白露前是雨白露後是鬼其時有片雲卽雨稻花見日正吐遇雨卽收正吐之時暴雨忽來卒不能收遂致白颯之患若連朝雨反不爲災惟不免擔閣吐秀有皮殼厚之病耳

三日前雨稻三日後雨草 見樂清縣志白露雨占

白露逢壬便立詹 月令廣義云八月初三至二十三爲詹天雨

入露有雨出露晴 蜀語秋分後逢壬謂之入露十日滿

謂之出霑霑謂雨多也十日內謂之霑天引諺云云  
按此語又與白露逢壬異而詹字則不如霑字之有意  
宜並存之

八月雨謂之豆花雨 見荆楚歲時記

麥秀風搖稻秀雨澆 月令廣義引諺云云言將秀得雨  
則堂肚大穀穗長秀實後得雨則米粒圓收數足

秋分日陰雨來歲吉晴明主無年 同上又云是時酉時  
西方有白雲起如羣羊爲正氣主大有年

秋分秋社同一日低田盡叫屈 同上引諺云云又云秋

分在社前斗米換斗錢秋分在社後斗米換斗豆

有三卯低田吉無三卯不宜麥 同上 按開元占經引

神農占云八月有三卯麥大善故月令通考云八月有

三卯三庚低田麥稻吉三庚二卯麥宜高田 又杭州

諺云三卯三庚麥出低坑三庚三卯麥出均巧 見田

家五行

秋社無雨莫種田園 見農政全書

八月一日二日三日以準來年正二三月之雨凡月色黃

者其月少雨月色青者其月多雨 同上

八月十一日可卜來年水旱侵晨或隔夜於水邊無風痕處作一水測字至晚看之若沒主水露主旱平主小水名曰橫港 見田家五行

八月十二日爲鹽生日十三日爲瀟生日雨則鹽貴 見嘉定縣志

八月十五晴正月十五看龍燈 此通行諺又云雲蔽中秋月雨打上元燈 按月令廣義作雲罩中秋月雨打上元燈謂中秋無月主來年燈時雨又引一則云雨打上元燈早稻一束草

八月二十四日爲竈君生日若雨主柴荒米貴 見田家

五行

八月二十四日爲稻藁日是日雨雖得藁亦腐重九晴則

藁乾 見蘇州府志

八月大無果賣 見田家五行按以大字叶賣南方諺也  
十六夜看月色萬里無雲主來年大熟一云十六雲遮月  
來年防水沒 見陶朱公書

九月占

九月自一日至九日以日占月遇此日風則此月穀賤

見戎事類占

九月朔日值寒露主冬寒值霜降主歲歉 見文林廣記

及月令廣義

九月朔日風雨主春旱若東風半日不止主米麥貴 見

田家雜占

重陽無雨一冬晴 田家五行云重九晴則冬至元日上

元清明四日皆晴雨則皆雨 或作重陽戌雨一冬晴

或作重陽霧雨一冬晴又作重陽戌遇一冬晴重陽酉  
遇一冬陰

九月一日晴不如九日明九日明又不如十三靈 月令  
廣義引諺云云 嘉定縣志云九月十三日爲稻籬生  
日宜晴又云十三晴不如十四靈十四晴釘鞵挂斷鼻  
頭繩 按杭州諺亦云九月十三晴釘鞵挂斷繩占書  
亦謂是日晴主冬晴柴賤又九月十三晴二句見馮夢  
禎快雪堂日記

九日雨米成脯 農政全書引諺云云又云重陽溼漉漉



穰草千錢束

重陽黑洞洞一年好收冬月令廣義云九月九日是雨歸路日有雨主來年熟

九月重陽菱母消洋見吳下田家志

重陽無雨望十三十三無雨一冬乾同上引諺云云  
九月庚辰辛卯日雨主冬穀貴一倍見文林廣記

九月上卯日北風主來年三七月米大貴東風亦然西北平平見田家雜占

九月雨爲黃雀雨見提要錄

重陽占風色卜來年豐歉西北風名范丹口裏風主荒東  
北風名石崇口裏風主稔見陶朱公書

十月占

十月朔日風從東來春糴賤逆此者貴 見齊民要術  
十月朔日爲靴生日以其日陰晴卜一冬寒燠 見苑署  
雜記一云是日晴則一冬晴雨則一冬雨最驗

十月朔日值立冬主災異值小雪有東風春米賤西風春  
米貴其日用斗量米若綴在斗底來春米陡貴甚驗

見家塾事親

吳俗以十月初五日爲五風生日此日有風則每五日風  
雨如期而至終歲皆然謂之五風信 見天中記

賈絮婆子看冬朝無風無雨哭號咷 農政全書云立冬

晴則一冬多晴雨則一冬多雨亦多陰寒引諺云云

十月雷人死用耙推 同上云月內有雷主灾疫

立冬值朔日主灾異天雨血地出毛大雨則米大貴小雨

則米小貴晦占與朔同 見月令廣義

立冬日東南風爲關倉風主來夏米貴 見田家五行

十五日晴主冬暖十六日晴主冬晴 見月令廣義

十月有三卯主糴平無三卯主穀貴 同上

十月癸巳霧赤爲兵青爲殃 見望氣經

十月十五十八十九二十七日本山府君上天卯時後有  
惡風如無風卽雨又初八十五二十二日東岳府君朝  
玉帝主有大風 見肘後神樞

十月初一日初三日十九日二十日乃冬天會合日主有  
惡風 同上

小雪日東風春米賤西風春米貴 見田家五行

立冬之日水始冰又五日地始凍 見周書時訓解 按

易卦通驗立冬不周風至水始冰而符瑞圖云立冬北  
方廣莫風至今考淮南王書不周風至後又四十五日

廣莫風乃至符瑞圖說誤也

後漢書烏桓傳其土地宜稌及東牆東牆似蓬草實如稌  
子至十月而熟

十一月占

十一月一日得壬主旱二日小旱三日赤旱四日五穀大熟五日小水六日大水七日河決八日海翻九日大熟十日小收十一十二日五穀不成 見田家五行又紀歷撮要引清臺占法亦略同

冬至雨年必晴冬至晴年必雨 農政全書又引諺云乾冬溼年坐了種田又云鬧熱冬至冷淡年蓋吳人尙冬至欲晴故也 又諺云燥冬至溼年晏溼冬至燥年晏冬至前米價長貧兒受長養冬至後米價落貧兒轉蕭索

按紀歷撮要云冬至前若米價長往後必賤落則反貴  
引諺云云

冬至在月頭當了棉被買牛頭冬至在月尾賣了牛頭買  
棉被 見農政全書

冬至日數至元旦五十日者民食足若不滿五十日者一  
日減一升有餘日益一升最驗 見淮南術

冬至日子時至平旦觀雲若青雲北起歲豐民安黃雲大  
熟黑雲主水白雲主人災無雲主凶前後日雪主來年  
饑餒兵革本日雪主有大盜橫行 見陶朱公書



冬至西南百日陰半晴半雨到清明 田家五行引諺云

云

南風吹我面有米也不賤北風吹我背無米也不貴 嘉

定縣志云十一月十七爲彌陀生日忌南風相傳有偈

云云極驗

冬至日南風晝至者民皆中於虛風則多病 見京房易

占

續漢書禮儀志云冬至鑽木改火 按北堂書鈔稱西域

諸國志云天竺十一月十六日爲冬至麥秀十二月十

六日爲臘麥熟

冬至日樹八尺之表日中視其晷晷如度者歲美人和否  
則歲惡 見易卦通驗

十七彌陀生日西北風主米賤月內雨雪多主冬春米賤  
有雷主春米貴 見陶朱公書

十二月占

冬至後三戌臘祭百神 續漢書禮儀志云季冬之月星  
回歲終陰陽以交勞農大膏臘或云臘者接也新故交  
接也蓋自秦以後臘皆屬十二月

朔日值大寒有虎灾值小寒祥瑞來 見月令廣義

上酉日雪主來年旱澇不均 見田家五行

十二月初三日俗呼爲拘貓日他月初三晴則主半月之  
晴獨此日宜雨 見天中記

立春在殘年主冬暖諺云立春日暖凍殺百鳥卵 見陶

朱公書

江湖間人常於歲除汲江水秤之至元日又秤重則主大水 見塵史

除夕可以秤水取長流水秤其輕重元旦又換取新水秤之以較兩年之高下 見田家五行

臘鼓鳴春草生 荆楚歲時記十二月八日爲臘日引諺語云云

除夕占風東北爲上諺云今夜東北來年大熟東南風主來年水大又除夕燒盆爆竹與照田蠶看火色同兼看火占

見陶朱公書

農侯雜占二

十二月

七